

顧非熊詩集目錄

送杭州姚真外

送朴處士歸新羅

送馬戴入山

送喻鳧歸江南

送人及第歸姑蘇

送皇甫司錄赴黔南幕

舒州酬別侍御

夏日會段將軍宅

天河閣到啼猿閣

經杭州

秋日陝州道中

經河中

送僧歸洞庭

題覺真上人院

寄太白無能禪師

崔卿雙白鷺

鴈

會中賦得新年

天津橋晚望

送李侍御赴劍南

送從叔尉澠池

長安清明日言懷

題馬儒乂山居

桃巖懷賈島

冬日寄蔡先輩

與無可宿輝公院

月夜登王屋仙壇

送友人歸漢陽

下第寄高山人

早秋雨夕

哭韓將軍

武宗挽歌二首

贈友人

關試後聞蟬

酬陳標評事

成名後酬羣公見送

厲貞外宅殘菊

送信州盧貞外

夏夜漢渚歸舟即事酬均州鄭貞外

賦得江邊柳

斜谷郵亭翫海棠花

褒城寄姚從事

寄紫閣新羅頭陀僧

寄九華費拾遺

下第後曉坐

下第後送友人不及

題鎮國禪院

送造微上人歸觀

銅雀妓

送于中丞入回鶻

題平陸縣亭

落第後贈友人

陳情上主司

題求福寺臨淮亭

出塞即事二首

送李相公

送內鄉張主簿赴任

瓜洲送朱萬言

秋夜長安病後作

題王使君片石

送彭蠡士入魏

贈許效

下第寄友人

贈許效

寄北華費休

下第寄友人

寒赴寄友人

寄北華費休

題許山

贈許效

夏交寒寄友人

贈許效

顧非熊詩集

顧況之子大中肝  
胎簿棄官隱茅山

送杭州姚員外

浙江江上郡楊柳到時春  
塹起背城鴈帆分向  
海人嶠雲侵寺吐汀月隔樓新  
靜理更何事還  
應詠白蘋

送朴處士歸新羅

少年離本國今去已成翁  
客夢孤舟裏鄉山積  
水東鰲沉崩巨岸龍鬪出  
遙空學得中華語將  
歸誰與同

送馬戴入山

古木亂重重何人識去蹤斜陽收萬壑圓月上  
三峯雲裏泉紫石窻間鳥下松唯應採藥客時  
與此相逢

送喻鳧春歸江南

去年登第客今日及春歸鶯引離秦馬鳥蓮香入  
楚衣里閭爭慶賀親戚共光輝唯我門前浦苔  
應滿釣磯

送友人及第歸姑蘇

見君先得意希我命還通不道才堪並多緣蹇  
共同鶴鳴荒野外魚躍入潮中若問家山路知

連震澤東

送皇甫司錄赴黔南幕

黔南從事客祿利來饒官受外臺屈家移一  
舸遙夜猿聲不斷寒木葉微凋遠別因多感新  
郎倍寂寞

舒州酬別侍御

故交他郡見下馬失愁容執手向殘日分襟在  
曉鐘鄉心隨皖水客路過廬峯衆惜君才器何  
爲滯所從

夏日會脩行段將軍宅

愛君書院靜莎覆蘇階濃連穗古藤暗領雛幽  
鳥重尊前迎遠客林杪見晴峯誰謂朱門內雲  
山滿座逢

天河閣到啼猿閣即事

萬壑褒中路何層不架虛徑雲和棧起樵徑帶  
畚餘巖狖牽垂果湍禽接躍魚相逢維艇處塢  
裏有人居

經杭州

郡郭繞江濱人家近白雲晚濤臨檻看夜櫓隔  
城聞浦轉山初盡虹斜雨半分有誰知我意心

緒逐鷗羣

秋日陝州道中

孤客秋風裏驅車入陝西關河午時路村落一  
聲雞樹勢標秦遠天形到岳低誰知我名姓來  
往自淒淒

經河中

一望蒲城路關河氣象雄樓臺山色裏楊柳水  
聲中離 赴吳客行斜向磧鴻我來尋古蹟多  
見舜遺風

送僧歸洞庭

江山萬萬重歸去指何峯未入連雲寺先齋越  
浪鐘鳥聲回棧橘秋蔭出庵松若救吳人病須  
降震澤龍

題覺真上人院

長安車馬地此院閉松聲新罷九天講舊曾諸  
岳行能詩因作偈好客豈關名約我中秋夜同  
來看月明

寄太白無能禪師

太白山中寺師居最上方獵人偷佛火櫟鼠戲  
禪牀定久衣塵積行稀徑草長有誰來問法林

杪過殘陽

崔卿雙白鷺

朝客高情愛水禽綠波雙鷺在園林立當風裏  
絲搖急步繞池邊字印深刷羽競生堪畫勢依  
泉各有取魚心我卿多傍門前見坐覺恩波思  
不禁

鴈

逐暖來南國迎寒背朔雲下時波勢出起處陣  
形分聲急奔前侶行低續後羣何人寄書劄域  
絕可知聞

會中賦得新年

萬古如昨日一年加一一作此晨暗生無限事潛老  
幾多人歸路舊侶盡故鄉回鴈新那堪獨惆悵  
猶是白衣身

天津橋晚望

晴登洛橋望寒色古槐稀流水東不息翠華西  
未歸雲收中岳近鐘出後宮微回首禁門路羣  
鴉度落一作暉

送李廓侍御赴劔南

鳥道見狼煙元戎正急賢圖書借朋友吟詠入

戈鋌山色城池近江聲鼓角連不應誇戰勝知

在一作檄更掩檄蠻篇

送從叔尉澠池

同登科第皆清列尚愛東畿一尉閑雖有田園  
供海畔且無宗黨在朝班甘貧只為心知道晚  
達多緣性好山白首青衫猶未換又騎羸馬出  
函關

長安清明日言懷

明時帝里遇清明還逐遊人出禁城九陌芳菲  
鶯欲轉萬家車馬雨初晴客中下第逢今日愁

裏看花厭此生春物一作金勝來年誰是主不堪憔悴

一作惆悵更無成

### 題馬儒父石門山居

尋君石門隱山近漸無青鹿迹入柴戶樹身穿  
草亭雲低收藥徑苔惹取泉瓶此地客難到夜  
琴誰共聽

### 桃巖懷賈島

路向桃巖去多行洞壑間鶴聲連野靜溪色帶  
村閑踈葦一作萩秋前渚斜陽雨後山憐君不得見  
詩思最相關

### 冬日寄蔡先輩校書京

弱冠下茅嶺中年道不行舊交因貴絕新月對  
愁生旅思風飄葉歸心鴈過城唯君知我苦何  
異爨桐鳴

### 與無可宿輝公院

夜僧同靜語秋寺近巖城世路雖多梗玄心各  
自明寒池清月彩危閣聽林聲儻許雙摩頂隨  
緣萬劫生

### 月夜登王屋仙壇

月臨峯頂壇氣爽覺天寬身去銀河近衣霑玉



露寒雲中日已赤山外夜初殘即此是仙境唯  
愁再上難

送友人歸漢陽

樽前荆楚客雲水思縈回秦野春將盡商山花  
不開鷗鷺帆乍起虹見雨初來自自有歸期在蟬  
聲處處催

下第後寄高山人

我家堂屋前仰見大茅巔潭靜鳥聲異地寒松  
色鮮人眠甕牖月鹿飲竹門泉多愧隣高隱無  
成又一年

早秋雨夕

貧居常寂寞況復是秋天黃葉如霜後清風似  
水邊中宵疑有鴈當夕斲無蟬就枕終難寐殘  
燈滅又然

哭韓將軍

將軍不復見儀形笑語隨風入杳冥戰馬舊騎  
一作嘶引葬歌姬新嫁哭辭靈功勳客問求爲誌  
驅行服玩僧收與轉經寂寞一家春色裏百花開落  
滿山庭

武宗挽歌詞

首

睿畧皇威遠英風帝業開竹林方受位薤露忽  
興哀靜塞妖星落和戎貴主回龍旆不可附空  
見望仙臺

蒼生期漸泰皇道欲中興國用銷靈像農功復  
冗僧冕旒辭北闕歌舞怨西陵唯有金莖石長  
宵對玉繩

贈友人

吾友昔同道唯予今獨行青雲期未遂白髮鬪  
還生舊隱連江色新春聞鳥聲休明獨不遇何  
計可歸耕

關試後嘉會里聞蟬感懷呈主司

昔聞驚節換常抱異鄉愁今聽當名遂方歡上  
國遊吟纔依樹午風已報庭秋併覺聲聲好懷  
恩忽淚流

酬陳標評事喜及第與段何共貽

至公平得意自喜不因媒榜入金門名從玉  
案來歡情聽鳥語笑眼對花開若擬華筵賀當  
期醉百盃

成名後將歸茅山酬羣公見送

此名誰不得人賀至公難素業承家子離筵去

國歡暮天行鴈數曉渡落潮寒舊隱茅峯下松  
根石上盤

萬年厲貞外宅殘菊

纔過重陽後人心已爲殘近霜須苦惜帶蝶更  
宜看色減頻經雨香銷恐一作怨漸寒今朝陶令宅  
不醉却應難

送信州盧貞外兼寄薛貞外

五馬弋陽行分憂出禁城粉闈移席近茜旆越  
疆行德茂榮方漸仁深瑞必呈疲昨復何幸前  
政已殘聲

夏夜漢渚歸舟即事

扁舟江瀨盡歸路海山青巨浸分圓象危檣入  
衆星雨遙明電影昼曉識樓形不是長遊客那  
知造化靈

酬均州鄭使君見送歸茅山

餞行詩意厚惜別獨筵重解纜城邊柳還舟海  
上峯飲猿當瀨見浴鳥帶槎逢吏隱應難逐爲  
霖是蟄龍

賦得江邊柳送陳許郭貞外

拂水復含煙行分古岸邊春風正搖落客思共

悠然絮急頻紫水根靈復繫船微陰覆離岸  
此醉昏眠

斜谷郵亭翫海棠花

忽識海棠花令人只歎嗟豔繁唯共笑香近試  
堪誇駐騎忘山險持盃任日斜何川是多處應  
繞羽人家

行經褒城寄興元姚從事

往歲客龜城同時聽鹿鳴君兼蓮幕貴我得桂  
枝榮棧閣危初盡褒川路忽平心期一壺酒靜  
話別離情

寄紫閣無名新羅頭陀僧

椶牀已自檠野宿更何營大海誰同過空山虎  
共行身心想外盡鬚髮定中生紫閣人來禮無  
名便是名

寄九華山費拾遺

先生九華隱鳥道一作隔塵埃石室和雲住山田一作引燒開久閑仙客降一作高卧詔書來一入深林  
去人間更不回

下第後曉坐

遠客滯都邑老驚時節催海邊身夢覺枕上鼓

聲來起見星河沒坐知閶闔開何爲此生內終  
夜泣塵埃

下第後送友人不及

失意經寒食情偏感別離來逢人已去坐見柳  
空垂細雨飛黃鳥新蒲長綠池自傾相送酒終  
不展愁眉

題春明門外鎮國禪院

空門臨大道師坐此中禪過客自生敬焚香唯  
默然書燈明象外古木覆簷前不得如馴鴿人  
間萬慮牽

送造微上人歸淮南覲兄

到家方坐夏柳巷對兄禪雨斷蕪城路虹分建  
鄴天赴齋隨野鶴迎水上漁船終擬歸何處三  
湘思渺然

銅雀妓

鴉散陵樹曉筵開懣悵空嬋娟寵休妬歌舞怨  
來同往事與塵化新愁生曲終迴軒葉正落寂  
寞聽秋風

送于中丞入回鶻

風沙萬里行邊色看雙旌去展中華禮將安外

國情朝衣驚異俗牙帳見新正料得歸來路春  
深草未生

題平陸縣亭

孤亭臨峭岸別有遠泉來山與中條合河逢一  
曲迴夜聲多鴈過晚色亂雲開却自求僮僕淹  
留莫謾催

落第後贈同居友人

有情天地內多感是詩人見月長憐夜看花又  
惜春愁爲終日客閑過少年身寂寞正相對笙  
歌滿四隣

陳情上鄭主司

登第久無緣歸情思渺然藝慙公道日身賤太  
平年未識笙歌樂虛逢歲月遷羈懷吟獨苦愁  
眼愧花妍求達非榮已脩辭欲繼先秦城春十  
二吳苑路三千茅屋山嵐入柴門海浪連遙心  
猶送鴈歸夢不離船時節思家夜風光作客天  
庭闈乖旦暮兄弟阻團圓朝乏新知已村荒舊  
業田受恩期望外效死誓生前願察爲表意仿  
徉和角篇懇情今吐盡萬一冀哀憐

題求福寺臨淮亭

亭即司馬復  
明府所置

淮上前朝寺因公始建亭雖無山可望多有鶴  
堪聽引客閑垂釣看僧靜灌瓶帶潮秋見月隔  
竹曉聞經水氣侵衣冷蘋風入坐馨路逢沙獺  
上船值海人停砧杵鳴孤戍烏鳶下遠汀連波  
芳草濶極日暮天青創置嗟心匠幽棲得地形  
常來勸農事賴此近郊坳

出塞即事

二首

塞山行盡到烏延萬頃沙堆見極邊河上月沉  
鴻鴈起磧中風度犬羊膾席箕草斷城池外護  
柳花開帳幕前此處遊人堪下淚更聞終日望

狼煙

賀蘭山便是戎疆此去蕭關路幾荒無限城池  
非漢界幾多人物在胡鄉諸侯持節望吾土男  
子生身負我唐迴望風光成異域誰能獻計復  
河湟

送李相公昭義平復起彼宣慰負外副

行

天井雖收寇未平所司促戰急王程曉馳雲騎  
穿花去夜與星郎帶月行新詠盡題關外事故  
鄉因遇洛陽城時逢寒食遊人識競說從來有

名

送內鄉張主簿赴任

松窓久是食霞客  
山縣新為主印官  
混俗故來分利祿  
不教人作異人看

瓜洲送朱萬言

渡頭風晚葉飛頻  
君去還吳我入秦  
雙淚別家猶未斷  
不堪仍送故鄉人

秋夜長安病後作

秋中帝里經旬雨  
晴後蟬聲竟不聞  
牢落閑庭新病起  
故鄉南去鴈成羣

題王使君片石

勢似孤峯一片成  
坐來疑有白雲生  
主人莫怪殷勤看  
遠客長懷舊隱情

顧非熊詩集

乙卯八月初八日校剛鈔本目錄繁簡不同卷中

亦間有異字 况村



贈非諠詩集

魏懷素容具書題辭

黃山峯一斗如坐來與木白雲主人莫

與王對書并序

唐鄭嵎詩

題津陽門詩

并序

華清宮之外闕南局禁闈北走京道開元中嵎

常得羣書下帷於石甕僧觀而甚聞宮中陳跡

焉今年冬自號而來暮及山下因解鞍謀食求

客旅邸而主公羊且艾自言世事明皇夜闌酒

餘復為嵎道承平故實翌日於馬上輒載效俚

叟之語為長句七言詩凡一千四百字一百韻

止以門題為之目云耳

津陽門北臨通遠雪風獵獵飄酒旗泥寒欵段

公王昭古未填補骨是校  
者有疑義也詩中詳述之  
及作主前此是阮姑

初創觀風樓簷高百尺堆華榱樓南更起闔雞殿晨

二十字據時字下

蹶不進疲童退問前何為酒家顧客催解裝案  
前羅列樽與卮青錢瑣屑安足數白醪軟美甘  
如飴開壚引滿相獻酬枯腸渴肺忘朝飢愁憂  
似見出門去漸覺春色入四肢主翁移客桃華  
燈雙肩隱膝烏帽欹笑云鮐老不為禮飄蕭雪  
鬢霜垂頤問余何往凌寒曦顧翁枯朽郎豈知  
翁曾豪盛客不見我自為君陳昔時時平親衛  
號羽林我纔十五為孤兒射熊搏虎眾莫敵彎  
弧出入隨仗飛開元來未有東西神策軍但以六軍為親衛此時光山影相  
射觀鳳樓閣交參差觀鳳樓在宮之外東北隅屬夾城而達於內前臨馳道周視山川寶應中

參差下接八棧句

魚朝恩毀之以修章敬寺今遺堵尚存惟闔雞殿與毬場團圓迤邐而在

其年十月移禁仗山下櫛比羅百司朝元閣成老君見會昌縣改新

豐移時有詔改新豐為會昌縣移自陰鼈故城置於山下至明年十月老君見於朝元閣南而於其處立降重觀復改新豐為

昭應縣解宇始成令大將軍高力士率樂以爲樂之幽州曉進供奉馬玉珂寶

勒黃金羈安祿山每進馬必殊特而極銜勒之飾五王扈駕夾城路傳

聲校獵渭水湄羽林六軍各出射籠山絡野張

置維彫弓繡緯不知數翻身滅没皆娥眉赤鷹

黃鶻雲中來妖狐狡兔無所依人煩馬殆禽獸

盡百里腥羶禾黍稀申正有高麗赤鷹岐王有北山黃鶻逸翻奇姿特異他等上愛之每弋獵

必置於駕前暖山度臘東風微宮娃賜浴長湯池

目為缺腰兒

刻成玉蓮噴香液漱迴煙浪深透迤內除供奉兩湯池外內外更有

湯池十六所而長湯每賜諸嬪御其修廣與諸湯不侔蔽以文瑤之石中央有玉蓮奉湯泉噴以成池又縫綴錦繡為鳧鴈於水上時於

其間泛鉞縷小舟以嬉遊焉犀屏象薦雜羅列錦鳧繡鴈相追隨

破簪碎鈿不足拾金溝殘溜和纓縷上皇寬容

易承事十家三國爭光輝繞牀呼盧恣博張

燈達晝相謾欺相君侈擬縱驕橫日從秦號多

游嬉朱衫馬前未滿足更驅武卒羅旌旗楊國忠為宰相

帶劔南節度使常與秦號聯轡而出更於馬前以兩川旌節為導也畫輪寶軸從天來雲中

笑語聲融怡鳴鞭後騎何躩蹠宮裝禁袖皆仙

姿青門紫陌多春風風中數日殘春遺驪駒吐

沫一奮迅路人擁

沫一奮迅路人擁篲爭珠璣事盡載在國史中比敘其事八姨新

起合歡堂翔鴟賀燕無由窺萬金酬工不看去

矜能恃巧猶嗟咨號國創一堂價廢萬金堂成工人僕價之外更邀賞伎之直復受絳羅五千段工者

嗤而不顧號國訝之問其由工曰某生平之能彈於此矣苟不知信願得螻蟻蜥蜴蜂蠶之類其目而授於堂中使有閑隙得立一物即

不論工直也於是又以繒綵珍具與之山下四方節制傾附

媚窮奢極侈沽恩私堂中特設夜明枕銀燭不

張光鑒帷號國夜明枕置於中堂光燭一室西瑤光樓

南皆紫禁黎園仙宴臨花枝迎娘歌喉玉窸窣

蠻兒舞帶金葳蕤瑤光樓即飛霜殿之北門迎娘蠻兒乃黎園子弟之名聞者三郎紫

笛弄煙月怨如別鶴呼羈雌玉奴琵琶龍香撥

散終句下接其年

倚歌促酒聲嬌悲

上皇善吹笛常寶一紫玉管貴妃妙彈琵琶其樂器聞於人間者有邏迤檀龍

香柏為撥者上每執酒卮必令迎娘歌水調曲徧而太真輒彈飲

鹿泉邊春露晞粉梅檀杏飄朱墀金沙洞口長

生殿玉蕊峯頭王母祠

山城內多馴鹿流澗號為飲鹿有長生殿乃齋殿也有事於朝

持羅公如意奪顏色三藏袈裟成散絲

元閣即御長生殿干以為沐浴者也禁庭術士多幻化上前較勝紛相

尤信金剛三藏上嘗幸功德院將謁七聖殿忽然背墮公遠折竹枝化作七寶如意以進上大喜顧謂金剛曰上人能致此乎

三藏曰此幻誑耳僧為陛下取真物乃於袖中出七寶如意炳輝而光公遠所進即時復為竹枝耳後一日楊妃為以三人定

優劣時禁中將創小殿三藏乃舉一鴻梁於空中將中公遠之蓬萊池上望

番公遠不為動容上連命止之公遠飛符於他處竊三藏袈裟於籬中守者不覺三藏怒又咒而取須臾而至

秋月無雲萬里縣清輝上皇夜半月中去三十

六宮愁不歸月中祕樂天半聞玳瑁玉石和埴

簾宸聰聽覽未終曲却到人間迷是非

葉法善常引上皇入

月宮時秋已深上苦淒冷不為久留歸於天半間尚聞仙樂及上歸且記憶其半遂於笛中寫之會西京都督楊敬述進婆羅

門曲與其聲調符遂以月中所聞為之散序用千秋御節

在八月會同萬國朝華夷花萼樓南大合樂八

音九奏鸞來儀都盧尋撞誠齷齪公孫劍伎方

神奇馬知舞徹下珠榻人惜曲終更羽衣

上皇以誕聖日為千秋節每大醮會必於勤政樓下使華夷縱觀有公孫大娘舞劍當時號為難妙又設連榻令馬舞其上馬衣紈綺而被鈴鐸驤首奮鬣舉趾翹尾變態動容悉中音律又令宮妓梳九騎仙髻衣孔雀翠衣佩七寶纓絡為霓裳羽衣之類曲終珠翠可

掃其舞馬祿山亦將數匹以歸而私習之其後田承嗣亦有存者一旦於廐上聞鼓聲頓挫其舞廐人惡之舉箠以擊之其馬尚為怒未解妙習更奮舞宛轉曲盡其態廐人恐以告承嗣以為妖遂戮之而舞自此絕矣

御側金雞畫障當梁懸繡綉衣祿日負鼎甘言

狡計愈矯癡上每坐及燕會必令祿山坐於御坐側而以金雞障隔之賜箠太真又以為子時以襁褓戲而加之亦呼之祿兒每入宮必先拜貴妃而後拜上笑而問其故轉對曰臣本蕃中人禮先拜母後拜父是以然也詔

令上路建甲第樓通走馬如暈飛大開內府資

供給玉缶金筐銀篋箕時於親仁里南陌為祿山建甲第令中貴人督其事仍謂之曰異謀潛

熾促歸去臨軒賜帶盈十圍祿山肥博過人腹垂而受帶十五圍方周體

忠臣張公識逆狀日日切諫上弗疑張公曲江先識其必反逆

狀數數言於上上曰卿勿以王夷甫識石勒而候疑祿山耳

湯成召浴果不至潼關

已溢漁陽師御街一夕無禁鼓玉輅順動西南

馳其年賜柑子使回泣訴祿山反狀云臣幾不至生反上猶疑其言復遣使諭云我為卿造一湯待卿至使回答言反狀上始憂疑即寇軍九門回望塵空多六龍夜馭兵衛

已至潼關矣

疲縣官無人具軍頓行宮徹屋屠雲柰離時郊畿草擾無預

頓之備上命徹行宮木宰御馬以饗良士卒馬嵬驛前駕不發宰相射殺冤

者誰長眉髮髮作凝血空有君王潛涕洟青泥

坂上到三蜀金堤城邊止九旂移文泣祭昔臣

墓度曲悲歌秋鴈辭駕至蜀詔中貴人馳祭張曲江墓悔不納其諫又過劔閣下望山川

忽憶水調辭云山川滿目淚沾衣富貴榮華能幾時不見只今

汾水上惟有年年秋鴈飛上泣然流涕顧問左右曰此誰人詩

從臣對曰此李嶠詩復掩泣  
明年尚父上捷書洗清觀

曰李嶠詩真可謂才子也  
關收封畿兩君相見望賢宮頓足鼓舞皆歔歔

望賢宮在咸陽之東數里時車駕自蜀回肅宗迎駕至上皇自  
致傳國璽於上上歔歔拜受左右皆泣不圖今日復覩兩君相

見之禮駕將入開遠門上皇疑焉上先後入門不決顧問從臣  
不能對高力士前曰上皇雖尊人臣也皇帝子主也上皇偏門

而入先行皇帝由正門而入後行者  
宮中親呼高驃騎潛

老皆呼萬歲當時識者皆以為是也  
令改葬楊真妃花膚雪艷不復見空有香囊和

淚滋  
時肅宗詔令改葬太真惟高力士知其所瘞在馬嵬坡

紫褥而寢之及改葬之時皆已朽壞惟有曾前紫  
鑿輿却

繡香囊中尚得水麝香時以進上皇泣而佩之  
入華清宮滿山紅實垂相思飛霜殿前月悄悄

迎風亭下風颼颼  
飛霜殿即寢殿而白傅長恨歌以長生

殿為寢殿即殊誤矣上皇至明年復舊

臣以幸華清宮信宿乃回  
雪衣女失玉籠在長生鹿

自此遂移處西內中矣  
瘦銅牌垂象牀塵凝罨颯被畫檐蟲網頗梨碑

太真養白鸚鵡西國所貢辯慧多辭上尤愛之字為雪衣女上  
嘗於芙蓉園中獲白鹿惟山人王旻識之曰此晉時鹿也上異

之令左右周視之乃於角際毛  
中得銅牌子刻之曰宜春苑

中白鹿上由是愈愛之移於此山字之曰山客上止華清罨颯  
公主嘗為上晨召聽按新水調愛主起晚遽自遺珍珠被而出

及寇至倉惶隨駕出宮後不知省及上歸南苑一旦再入此宮  
而當時罨颯之被宛然而塵積矣上尤感焉温

泉堂碑其石瑩徹見人形影宮中號為頗梨碑  
碧菱花覆

雲母陵風篁雨菊位離披真人影帳偏生草果  
老藥堂空掩扉

真人李順興後周時修道北山神農皇帝  
受禪真人潛告符契至今山下祠宇宮中

有七聖殿自神農至宗建寶后皆立衣袞衣繞殿石榴樹皆太  
真所植俱擁腫矣南有宮院其間瑤壇羽帳皆在焉順興影堂

果老藥室亦  
鼎湖一日失弓劍橋山煙草俄霏霏

空聞玉腕入金市但見銅壺飄總緯開元到今  
 踰十紀當初事跡皆殘隳竹花惟養棲梧鳳水  
 藻周游巢葉龜會昌御宇斥內典去留二教分  
 黃緇慶山汗渚石甕毀紅樓綠閣皆支離竒松  
 怪柏為樵蘇童山胥谷亡嶮巖煙中壁碎摩詰  
 畫雲間字失玄宗詩持國寺本名慶山寺德宗始改其額寺有綠閣複道而上天后朝以  
禁匠取宮中制度結構之石甕寺開元中以造作華清宮餘材修繕佛殿中玉石象皆幽州進與朝元閣道像同日而至精妙無訛叩之如磬餘像並楊惠之手塑脫空像皆元伽兒之制能妙纖麗曠古無儔紅樓在飛殿之西巖下臨絕壁樓中有玄宗題詩草八分每一篇一體王右丞山水西壁寺毀之後皆失之矣摩詰乃王維之字也  
 石魚巖底百尋井銀牀下卷絲綆遲當時清影蔭紅葉一旦

飛塵埋素規

石魚巖下有天絲石其形如甕以貯飛泉故上以石甕為寺名寺僧於上層飛樓中懸轆轤敘引修綆長二百餘尺以汲甕泉出於紅樓橋樹之杪寺既毀拆石甕今已埋沒也  
 韓家燭臺倚

林杪千枝燦若山霞摛昔年光彩奪天月昨日

銷鎔當路岐

韓國為千枝燈臺高八十尺置於山上每至上元夜則燃之千光奪月凡百里之內皆可

望龍宮御榜高可惜火焚牛挽臨崎峗孔雀松

殘赤琥珀鴛鴦瓦碎青瑠璃

寺額睿宗在藩邸中所題也標於危樓之上世

傳孔雀松下有赤茯苓入土千年則成琥珀寺之前峯古松老柏泊乎嘉草今皆樵蘇蕩除矣  
 今我前程

能幾許徒有餘息筋力羸逢君話此共灑涕却

憶歡娛無見期主翁莫泣聽我話寧勞感舊休

吁嘻河清海晏不難覩我皇北走棄  
 湟中

土地昔湮沒昨夜收復無瘡痍

西馬奔空月支兩逢堯年豈易偶願

翁頤養豐膚肌平明酒醒便分首今夕一罇翁

莫違

與舊本次第大同小異

以滄葦草鈔本唐詩校切改訂補入百有餘字席列辨指  
精本而脫誤如此之多可知刻書非徒校教存不可入本也  
乙卯十一月初四日精雪滿庭圍爐校畢因記茲修浣林

唐鄭嵎詩

唐隱居詩

曉發

旅館俟<sup>候</sup>天曙整車趨遠程幾處曉鐘斷半橋殘  
月明沙上鳥猶在渡頭人未行去去古時道馬  
嘶三兩聲

客行

上山下山去千里萬里愁樹色野橋暝雨聲孤  
館秋南北眼前道東西江畔舟世人重金玉無  
金徒遠遊

唐

球作



題鄭處士隱居

不信最清曠及來愁已空  
數點石泉雨一溪霜  
葉風業在有山處道成無事中  
酌盡一尊酒病夫顏亦紅

古寺

路傍古時寺寥落藏金容  
破塔有寒草壞樓無曉鐘  
亂紙失經偈斷碑分篆蹤  
日暮月光吐繞門千樹松

贈著上人

掩門江上住盡日更無爲  
古木坐禪處殘星鳴

磬時水澆水滴滴珠數落  
累累自有閑行伴青藤杖一枝

馬嵬感事

冷氣生深殿狼星渡遠關  
九城鞞鼓內千騎道途閒  
鳳髻隨秋草鑿輿入暮山  
恨多留不得悲淚滿龍顏

舟行夜泊夔州

維舟鏡面中迴對白鹽峰  
夜靜沙堤月天寒水寺鐘  
故園何日到舊友幾時逢  
欲作還家夢青山一萬重

贈僧

詩見芳一作贈僧  
亭客說

曾聞半偈雪山中  
貝葉翻時理盡通  
般若常添持戒力  
落義誰算念經功  
雲間曉月應難染  
海上虛舟自信風  
長說滿庭花色好  
一枝紅是一枝空

故人見訪不值因寄

門戶寒江近籬墻  
野樹深晚風搖竹影  
斜日轉山陰  
砌覺披秋草  
牀驚倒古琴  
更聞隣舍說一  
隻鶴來尋

贈行如上人

不知名利苦念佛  
老岷峨衲補雲千片  
香燒印一作窠  
戀山人事少  
憐客道心多  
日日齋鐘後一作罷  
高懸濾水羅

送友人歸邛州

鶴鳴山下去滿篋  
荷瑤琨放馬荒田  
草看碑古寺門漸寒  
沙上路欲暝水邊村  
莫忘分襟處梅花撲酒罇

和舒上人山居即事

敗落填溪路殘陽過野亭  
仍彈一滴水更讀兩  
張經暝鳥烟中見寒鐘  
竹裏聽不多山下去人

世盡羶腥

發邛州寄友人

茫茫驅一馬自歎又何之  
出郭見山處待船逢  
雨時曉雞鳴野店寒  
葉墮秋枝寂寞前程去  
閑吟欲共誰

山東蘭若遇靜公夜歸

松門一徑微苔滑  
往來稀半夜聞鐘後  
渾身帶雪歸問寒僧  
接杖辨語犬銜衣  
又是安禪去呼童  
閉竹扉

邊將

三千護塞兒  
獨自滯邊陲  
老向二毛見  
秋從一葉知  
地寒鄉思苦  
天暮角聲悲  
却被交親笑  
封侯未有期

秋寄江舒公

故人何處望秋色  
江濱入水溪蟲亂  
過橋山路分  
鶴歸松上月  
僧入竹間雲  
莫惜中宵磬  
從教夢裏聞

題揚山人隱居

深山道者家  
門戶帶烟霞  
綠綴沿巖草  
紅飄落水花  
半庭栽小樹  
一徑掃平沙  
往往溪邊坐  
持

竿到日斜

夜上隱居寺

尋師擬學空空住  
虎谿東千里照山月  
一枝驚鶴風年如流去  
水山似轉來蓬盡日都無事  
安禪石窟中

塗次偶作

歲月客中銷崎嶇  
力自招問人尋野寺  
牽馬渡危橋爲雨疑  
天晚因山覺路遙  
前程何處是一望又迢迢

送友人江行之廬山肄業

蜀國初開棹廬峰  
擬拾螢獸皮裁襦  
暖蓮葉製衣馨  
楚水秋來碧巫山  
雨後青莫教銜鳳詔  
三度到中庭

山居偶作

趨名逐利身終日  
走風塵還到水邊宅  
却爲山下人僧教  
開竹戶客許戴紗巾  
且喜琴書在蘇生  
未厭貧

贈道者

披霞戴鹿胎歲月不能催  
飯把琪花煮衣將藕葉裁  
鶴從歸日養松是小時  
栽往往樵人見溪

邊洗藥來

邛州水亭夜讌送顧非熊之官

寂寞邛城夜寒塘對庾樓蜀關蟬已噪秦樹葉  
應秋道路連天遠笙歌到曉愁不堪分袂後殘  
月正如鉤

題青城山范賢觀

數里緣山不厭難爲尋真訣問黃冠苔鋪翠點  
仙一作山橋滑松織香梢古道寒晝傍綠畦薜嫩玉  
夜開紅竈撚新丹鐘聲一作孤鐘已斷泉聲在風動茅  
花月滿壇

送僧講罷歸山

休將如意辯真空吹盡天花任曉風共看玉蟾  
三皎潔獨懸金錫一玲瓏巖間松桂秋烟白江  
上樓臺晚日紅依舊曹溪念經處野泉聲在草  
堂東

題友人寓居

寓居無不在天涯莫恨秦關道路賒繚繞城邊  
山是蜀灣環門外水名花黃頭卷席賓初散白  
鼻嘶風日欲斜何處一聲金磬發古松南畔有  
僧家

傷張玘秀才

銅梁劍閣幾區區十上探珠不見珠卞玉影沈  
沙草閣驂騑聲斷隴城孤入關詞客秋懷友出  
戶孀妻曉望夫吳水楚山千萬里旅魂歸到故  
鄉無

題李少府別業

尋得仙家不姓梅馬嘶人語出塵埃竹和庭上  
春烟動花帶溪頭曉露開繞戶白雲終日在傍  
松黃鶴有時來何年亦作圍碁伴一到松間醉  
一迴

贈王山人

紅藤一拄脚常輕日日綠溪入谷行山下有家  
身未老竈前無火藥初成經秋少見閑人說帶  
雨多聞野鶴鳴知到蓬萊難再訪問何方法得  
長生

庭竹

月籠翠葉秋承露風亞繁梢暝掃烟知道雪霜  
終不變永留寒色在庭前

題常樂寺

桂冷香聞十里間殿臺還不似人寰日斜迴首

江頭望一片青雲落後山

贈劉鍊師歸山

風急雲輕鶴背寒  
洞天誰道却歸難  
千山萬水瀛洲路  
何處烟飛是醮壇

酬舒公見寄

無客不言雲外見  
爲文長遣世間知  
一聲松徑寒吟後  
正是前山雪下時

巫山下作

細腰宮盡舊城摧  
神女歸山更不來  
唯有楚江斜日裏  
至今猶自繞陽臺

酬友生早秋

彤雲將欲罷蟬柳  
響如秋霧散九霄  
近日程三伏愁殘  
陽宿雨霽高浪碎  
沙漚祛足餘旬後  
分襟任自由

附錄

紀事云球爲詩撚藁爲圓納之大瓢中後卧病  
投瓢於江曰斯文苟不沈沒得者方知吾苦心  
爾至新渠有識者曰唐山人瓢也接得之十纔  
二三又云球生於唐末至性純慤篤好雅道放  
曠踈逸邦人謂之唐隱居或云王建帥蜀召爲

參謀不就今以其故居為隱居寺北夢瑣言云  
球詩思遊歷不出二百里

唐隱居詩

乙卯十一月初四日天寒欲雪十指如椎偶取迄今鈔本  
校竟此卷沈林

李羣玉進詩表

草澤臣羣玉言

臣

宗緒凋淪丘山賤品幽沉江

分託漁樵伏遇

皇帝陛下運屬昇平率土歡泰沐雨露亭育之  
化在薰風長養之間願同率舞之誠遠逐越裳  
之貢頃以鼓腹勲華之代怡情林阜之隈涵泳  
皇風殆忘仕進以至年踰不惑痾恙暴侵但慮  
寒餓江湖之濱與枯魚涸蚌為伍瞑目黃壤虛  
謝文明是以徒步負琴遠至輦下謹捧所業歌  
行古體今體七言今體五言四通等合三百首



謹詣光順門昧死上進伏以卿雲在天草木五色廣野之氣燭爲祥煙熙熙含生盡躋壽域向日亭午物無斜陰而方今風后提衡庶尹咸又言語侍從之列皆嚴徐班馬之倫凡在墨客詩人歌詠聲明文物不暇何議諷刺興於筆端臣所貢前件歌詩以居住沅湘宗師屈宋楓江蘭浦蕩思搖情蕪類之餘過於飄野天臣不到徒窺星漢之高滄海攸歸豈阻潢汙之陋然則爨桐不爆俄成曲突之煙埋劍無光永作幽泉之鐵巴濮下調塵觸天聰螻蟻之微伏待刑戮謹

拜表陳獻以聞無任焚灼隕越屏營之至臣羣玉誠惶誠恐頓首死罪謹言  
延英口宣勅旨

卿所進歌詩異常高雅朕已遍覽今有少錦綵器物賜卿宜令領取夏熱卿比平安好

薦處士李羣玉狀大學士僕射令狐綯

右苦心歌篇屏跡林壑佳句流傳於衆口芳聲

籍甚於一時守道安貧遠絕名利當文明之聖

代宜備搜羅俾典校於瀛洲佇光志業臣綯等

今日延英已面陳奏狀伏奉

奏聞初旨皆提行

此七行依二首格

宣奉別為一行

聖旨今與一文學官者臣等商量望授弘文館校書郎未審可否謹具奏聞伏聽 勅旨

李羣玉放懷丘壑吟詠情性孤雲無心浮磬有韻吐妍詞於麗則動清律於風騷冥鴻不歸羽翰自逸霧豹遠迹文彩益竒信不試而逾精能久而獨樂念其求志可以言詩用示繫維

之刊校可守弘文館校書郎

中書侍郎兼戶部尚書平章事臣令狐絢宣奉

司勳郎中知制誥臣鄭處約行

臨安府棚前睦親坊南陳宅書籍鋪刊行

李羣玉詩集卷上

歌行古體詩

烏夜啼

層波隔夢時一望青楓林有鳥在其間達曉自悲吟是時月黑天四野煙雨深如聞生離哭其聲痛人心悄悄夜正長空山響哀音遠客不可聽坐愁華髮侵既非蜀帝魂恐是桓山禽四子各分散母聲猶至今

寄短書歌

骨肉萍蓬各天末十度附書九不達孤臺冷眼

無來人楚水秦天莽空闊翔鴈橫秋過洞庭西  
風落日浪崢嶸三年音信凝顰外一曲哀歌白  
髮生

昇仙操

羸女去秦宮瑤簫飛碧空鳳臺閉煙霧鸞鳥吹飄  
天風復聞周太子亦遇浮丘公叢篁發天弄輕  
舉紫霞中濁世不久駐清都路何窮一去霄漢  
上世人那得逢

王內人琵琶引

檀槽一曲黃鐘羽細撥紫雲金鳳語萬里南

海塞秋分明彈出風沙愁三千策嬪推第一斂  
黛傾鬟艷蘭室羸女停吹降浦簫帝娥淨掩空  
波瑟瑟幙橫雲熾焰光銀龍吐酒菊花香皓腕  
翻

醒起獨酌懷友

西風靜夜吹蓮塘芙蓉破紅金粉香摘一作折花把  
酒弄秋芳吳雲楚水愁茫茫美人此夕不入夢  
獨宿高樓明月涼

競渡時在湖外偶成此章

電遊三千兒綵舟畫楫射初暉喧江雷鼓

鱗甲動三十六龍衝浪飛靈均昔日投湘死干  
古沈冤在湘水綠草斜煙日暮時笛聲幽遠愁

江鬼綠草斜煙一作荒草寒煙

雨夜呈長官

遠客坐長夜雨聲孤寺秋請量東海水看取淺  
深愁愁窮重於山終年厭人頭朱顏與芳景暗  
赴東波流鯀我俟風水青雲方阻脩孤燈冷素  
艷蟲響寒房幽借問陶淵明何物號忘憂無因  
一酩酊高枕萬情休或作李頎非是

小弟艤南遊近書來

湘南客帆稀遊子寡消息經時停尺素望盡雲  
邊我笑言憑夢寐獨立想容色落景無來人脩  
江入天白停停倚門念瑟瑟風雨夕何處泊扁  
舟迢遞湍波側秋歸舊窻竹永夜一淒寂吟爾  
鵲鴿篇中宵慰相憶

贈方處士

白衣方外人高閣溪中鶴無心戀稻梁但以雲  
泉樂雲霄終得意天地俟飛躍歲晏入帝鄉期  
君在寥廓

秋怨一作悲

飛字墨釘

瑟瑟涼海氣西來送愁容金風死綠蕙玉露生  
寒松所思在冥碧無因一相逢登樓睇去飛目  
盡滄波重虛窓度流螢斜月啼幽蛩踈紅落淺  
豔冷水凋芙蓉歲暮空太息年華遂遺蹤凝情  
耿不寐攬涕起踈慵

感春

春情不可狀豔豔令人醉暮水綠楊愁深窓落  
花思吳宮新暖日海燕雙飛至愁思逐煙光空  
濛滿天地

山中秋夕

抱琴出南樓氣爽浮雲滅松風吟天簫竹路踏  
碎月後山鶴唳定前浦荷香發境寂良夜深了  
與人間別

將遊羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪  
靈魄冷光激遠目百里見海色送雲歸蓬壺望  
鶴滅秋碧波瀾收日氣天上回澄寂百越落掌  
中十洲點空白身居飛鳥上口詠玄元籍飄如  
出塵龍想望吹簫客冥冥人世間歌笑不足惜  
竭來羅浮顛披雲練璫液謝公雲岑興可以躡

高跡吾將抱瑤琴絕境縱所適

盧溪道中

晚發潺湲亭夜宿潺湲水風篁掃一作拂石瀨琴聲  
比十里光奔覺來眼寒落夢中耳曾向三峽行  
巴江亦如此

湖中古愁三首

涼風西海來直渡洞庭水脩脩木葉下白浪連  
天起蘅蘭委皓霜百草一時死摧殘負志人感  
歎何窮已

昔我覩雲夢窮秋經汨羅靈均竟不返怨氣成

微波奠桂開古祠朦朧入幽蘿落日瀟湘上淒

涼吟九歌

南雲哭重華水死悲二女天邊九點黛白骨迷  
處所朦朧波上瑟清夜降北渚萬古一雙魂飄  
飄在煙雨

別狄佩

梁公玄孫  
旅於南國

翠柳不着花鳳雛長忍飢未開丹青翮空把碧  
梧枝聖人奏雲韶祥風一來儀文章耀白日衆  
鳥莫敢窺花柳不自言凡鳥何由知當看九千  
仞飛出太平時

古鏡

明月何處來朦朧在人境得非軒轅作妙絕世  
莫並瑤匣開旭日白電走孤影泓澄一尺天徹  
底涵霜景冰輝凜毛髮使我肝膽冷忽驚行深  
幽面落九秋井雲天入掌握爽朗神魂淨不必  
負局仙金沙發光炯陰沈蓄靈怪可與天地永  
恐爲悲龍吟飛去在俄頃

我思何所在

我思何所在乃在陽臺側良宵相望時空此明  
月色歸魂泊湘雲飄蕩去不得覺來理舟楫波

浪春湖白煙光結楚秋瑤草不忍摘因書天末  
心繫此雙飛翼

送蕭綰之桂林

時羣玉  
遊豫章

蘭香佩蘭人三弄蘭江春爾爲蘭陵秀芳藻驚  
常倫粲粲鳳池裔一毛今再新竹花不給口樵  
悴清湘濱一朝南溟飛彩翮不可親蒼梧雲水  
晚離思空凝嘖我亦縱舟棹西浮彭蠡津丈夫  
未虎變落魄甘風塵大禹惜寸陰況我無才身  
流光銷道路以此生嗟辛萬里闊分袂相思杳  
難申桂水秋更碧寄書西上鱗

感興四首

子雲吞白鳳遂吐太玄書幽微十萬字枝葉何  
扶踈婉孌猛虎口甘言累其初一覩美新作斯  
瑕安可除

昔竊不死藥奔空二姮娥盈盈天上孤豔潔栖  
金波織女年無別長宵隔銀河軋軋揮素手幾  
時停玉梭

洞房三五夕金缸凝燄滅美人抱雲和斜倚紗  
窻月沈吟想幽夢閨思深不說絃冷玉指寒含  
嚔達明發

鴈口銜邊秋寒聲落燕代先驚愁人耳顏髮潛  
銷改凝雲蔽洛浦夢寐勞光彩天邊無書來相  
思淚成海

將之吳越留別坐中諸侶

秋色滿水國江湖興蕭然氛埃斂八極萬里淨  
澄鮮涔浦縱孤棹吳門渺三千迴隨衡陽鴈南  
入洞庭天蚤聞陸士龍矯掌誇山川非思鱸魚  
膾且弄五湖船暝泊遠浦霞曉飯蘆洲煙風流  
訪王謝佳境恣洄沔霜翦別岸柳香枯北池蓮  
歲華坐搖落戚戚感流年明朝即漂萍離恨無



由宣相思空江上何處金波圓

大雲池泛舟

九月蓮花死萍枯霜水清船浮天光遠棹拂翠  
瀾輕古木了無煙靄生游鱗泳皎潔洞  
見逍遙情漁父一曲歌滄浪遂知名未知斯水  
上可以濯吾纓

送友人之峽

東吳有賦客願識陽臺仙彩毫飛白雪不減郢  
中篇楚水五月浪輕舟入暮煙巫雲多感夢桂  
楫蚤回旋

登宜春醉宿景皇寺寄鄭判官兼簡空

上人

曉發碧水陽暝宿金山寺松風灑寒雨浙瀝醒  
餘醉夜中香積飯蔬粒俱精異境寂滅塵愁神  
高得詩思皎皎榮陽子芳春富才義漲海豁心  
源冰壺見門地碧霄有鳩序未展聯行翅但笑  
一尺繩三年絆騏驥推藏擔簦客鬱抑曾襟事  
名業兩未從臨風默舒氣一身眇雲嶺中夜空  
涕泗倒枕對孤燈衾寒不成寐糧薪極桂玉大  
道生榛刺恥息惡木陰難書劒歌意揚鞭入莽

蒼山驛後煙翠越鳥日南飛芳音願相次

靜夜相思

山空天籟寂水榭延輕涼浪定一浦月藕花開  
自香

江樓獨酌懷從叔

水國發爽氣川光靜高秋酣歌金樽醪送此清  
風愁楚色忽滿月灘聲落西樓雲翻天邊葉月  
弄波中鈎芳意悵搖落蘅蘭謝汀洲長吟碧雲  
合悵望江之幽

登章華樓

楚子故宮地蒼然雲木秋我來覽後事落景空  
生愁霸業沒荆棘雄圖成古丘沈吟問鼎語但  
見東波流征鴻引鄉心一去何悠悠晴湖碧雲晚  
暝色空高樓迢遞超遠嶠微茫入孤舟空路不堪  
望西風白波稠

驄馬

浮雲何權奇絕足世未知長嘯清海風躩蹠振  
雲絲由來渥注種本是蒼龍兒穆滿不再活無  
人崑閩騎若識躍嶠怯寧勞耀金羈青芻與白  
飯空笑駑駘肥伯樂儻一見應驚耳長垂當思

八荒外逐日向瑤池

贈方處士兼以寫別

天與雲鶴情人間恣詩酒龍宮奉

洞一

千首清如南薰絲韻若黃鍾吼喜於風騷地忽  
見陶謝手籍籍九江西篇篇在人口芙蓉爲芳  
菲未落諸花後所知心眼大別自開戶牖才力  
似風鵬誰能弄升斗無營傲雲竹琴帙靜爲友  
鸞鳳職羽儀騏驥在郊藪鏡湖春水綠越客憶  
歸否白衣四十秋逍遙一何久此身無定跡又  
逐浮雲走離思書不窮殘陽落江柳

湘西寺霽夜

西過琉璃宮佳興浩清絕松風吟晴灘竹路踏  
碎月月波蕩如水氣爽星朗滅皓  
千樹霜崢嶸萬巖雪後山鶴唳斷前池荷香發境寂涼夜  
深神思空飛越

傷思

八月白露濃芙蓉抱香死紅枯金粉墮寥落寒  
塘水西風團葉下疊穀參差起不見棹歌人空  
垂綠房子

送鄭京昭之雲安

文山詩止  
君吟高堂賦路過巫山渚莫令巫山下幽香惹  
雲雨行事幾千年芬芳今尚傳空留荆王館巖  
嶂深蒼然楚水五月浪輕舟入蘋煙送君揚楫  
去愁絕郢城篇

送處士自番禺東遊便歸蘇臺別業

啞軋暮江上櫓聲搖落心宛陵三千里路指吳  
雲深蓴菜動歸興忽然聞會吟南浮龍川月東  
下敬亭岑多君詠逍遙結蘿碧溪陰高籠華亭  
鶴靜對幽蘭琴汗漫江海思傲然抽冠簪歸歟  
未云寂還許應追尋二陸文苑秀岩堯懷所欽

惜我入洛晚不觀雙南金江左風流盡名賢成  
古今送君無限意別酒但加斟

法華微上人盛話金山境勝舊遊在目

悵然有感吟成此篇

江上青蓮宮人間蓬萊島煙霞與波浪隱映樓  
臺好潮聞梵音淨海日天蚤願與靈鷲人吟  
經此中老

自洞庭入澧江寄巴丘故人

四月桑半枝吳蠶初弄絲江行好風日燕舞輕  
波時去事旋成夢來歡難預期唯憑東流水日

夜寄相思

自澧浦東遊江表途出巴丘投負外從

公虞

短翮後飛者前扳鸞鶴翔力微應萬里矯首空  
蒼蒼誰昔探花源考槃西岳陽高風動商洛綺  
皓無馨香一朝下蒲輪清輝照巖廊孤醒立衆  
醉古道何由昌經術震浮盪國風掃齊梁文襟  
即玄圃筆下成琳琅霞水散吟嘯松筠奉琴觴  
冰壺避皎潔武庫羞鋒鏑小子書代耕束髮頗  
自強艱哉水投石壯志空推藏十年侶龜魚垂

頭在沅湘巴歌掩白雪鮑肆埋蘭芳騷雅道未  
消何憂名不彰飢寒束困厄默塞飛星霜百志  
不成一東波擲年光塵生脫粟甑萬里違高堂  
中夜恨火來焚燒九迴腸平明梁山淚綠枕霑  
匡牀依泊洞庭波木葉忽已黃哀碁擣秋色晚  
月啼寒螿復此棹孤舟雲濤皓茫茫朱門待媒  
勢短褐誰揄揚仰羨野陂鳥無心憂稻梁不如  
天邊鴈南北皆成行男兒白日閒變化未可量  
所希困辱地翦拂成騰驤咋筆話肝肺詠茲枯  
魚章何由首西路目斷白雲鄉

洞庭驛樓雪夜燕集奉贈前湘州張貞

外

昔與張湘州閑登岳陽樓目窮衡巫表與盡荆  
吳秋擲華落郢曲巴人不能酬是時簪裾會景  
物窮冥搜誤忝玳筵秀得陪文苑遊幾篇雲楣  
上風雨沈銀鈎

湘中別成威閣黎

至哉彼上人冰霜凜規則遊心杳何境宴坐入  
冥默解空與密行名臘信崇德吐論駕秋濤龍  
宮發曾臆羣迷行大夜浩浩一昏黑赤水千丈

山下接滄洲一首

此首及別別尹練師接奉懷  
沈正字一首下

深玄機幾人得持盃挹溟漲至理安可測寧假  
喻芭蕉真成嗔蒼荀松聲掃白月霽夜來靜域  
清梵罷法筵天香滿衣襟何方濟了岸祇仗慈  
航力願與十八賢同棲翠蓮國

別尹練師

吾家五千言至道懸日月若非函關今誰駐流  
沙說多君飛昇志機悟獨起拔學道玉笥山燒  
丹白雲穴南窮衡疑秀採藥歷幽絕夜臥瀑布  
風朝行碧巖雪同宮四百日玉籍恣探閱從以  
菌蕙姿緬攀脩真說塵籠罩浮世遐志空飛越

此首在宿鳥遠峽下

一罷棋酒歡離情滿寥泲願騎紫蓋鶴蚤向黃  
金闕城市不可留塵埃穢仙骨

岳陽春晚

不覺春物老塊然湖上樓雲沙鷓鴣思風日沅  
湘愁去翼滅雲夢來帆指昭丘所嗟芳桂晚寂  
寞對汀洲

漢陽春晚

漢陽抱青山飛樓映湘渚白雲蔽黃鶴綠樹藏  
鸚鵡憑高送春日流恨傷千古遐想禰衡才令  
人怨黃祖

將離澧浦置酒野嶼奉懷沈正字昆仲

三人聯登高第

春月三改兔花枝成綠陰年光東流水浩歎傷  
羈心酌桂煙嶼晚鳩鳴江草深良圖一超忽萬  
恨空相尋上國刈翹楚才微甘陸沈無燈假貧  
女有淚沾牛衾衡岳三麒麟各振黃鍾音卿雲  
被文綵芳價傾詞林夫子芸閣英養鱗湘水潯  
晴沙踏蘭菊隱几當青岑明月洞庭上悠揚掛  
離襟停盃一搖筆聊寄生芻吟

滄洲

此下接別成威閣黎及別尹  
使師二首至春末

童兒待郭伋竹馬空遲留路指雲漢津誰能吟  
四愁銀壺傲海雪青管羅名謳賤子跡未安謀  
身拙如鳩分隨煙霞老豈有風雲求不逐萬物  
化但貽知己羞方窮力命說戰勝心悠悠不然  
蹲會稽鈎下二五牛所期波濤助燁赫呈吞舟

送鄭子寬棄東遊便歸女兒

八月湖浸天揚帆入秋色岷峨雪氣來寒漲瀟  
湘碧子真冥鴻志不逐籠下翼九女疊雲屏於  
焉恣栖息新詩山水思靜入陶謝格因醉松花  
春追攀紫煙客相逢十年舊嘖笑等歡感一飯

玉露蔬中腸展堆積停食不盡意傾景悵可惜  
雲水一分飛離憂洞庭側迴車三鄉路仙菊正  
堪摘寄謝杜蘭香何年別張碩

長沙九日登東樓觀舞二首

南國有佳人輕盈綠腰舞華筵九秋暮飛袂拂  
雲雨翩如蘭茗翠一作緩如  
祥煙泛宛若遊龍舉越豔罷前

溪吳姬停白紵

慢態不能窮繁曲姿曲恣向終低回蓮被一作  
簾浪凌亂

雪縈風墜珥時流盼脩裾欲遡空唯愁捉不住  
飛去逐驚鴻



龍山人惠石廩方及團茶

客有衡嶽隱遺余石廩茶自云凌煙露採掇春  
山芽珪璧相壓疊積芳莫能加砌成黃金粉輕  
嫩如松花紅鑪爨霜枝越兒斟井華灘聲起魚  
眼滿鼎漂清霞凝澄坐曉燈病眼如蒙紗一甌  
拂昏寐襟鬲開煩挈顧渚與方山誰人留品差  
持甌默吟詠搖膝空咨嗟

宿鳥遠峽化臺遇風雨

孤鶴長松巔獨宿萬巖雨龍湫在石脚引袂時  
一取驚風折喬木飛焰獵窻戶半夜霹靂聲高

齋有人語

李羣玉詩集卷上

卷內洞庭驛樓雪夜燕集奉贈湘州張員外與滄洲兩詩據唐  
音統籤共為一篇十六韻風雨沈銀鈎下原缺八字滄洲乃韻脚非  
詩題也後連兒童待郭伋云云細味詩意合則方為全璧否則前首  
文義未完滄洲起句亦與題不切毛氏汲古閣所刊則二首相比而陳  
解元書棚宋本中復間以五詩惜無善本是正  
姑仍其舊亦闕疑之例也志此以俟博識者

余歲末板唐人集亦夥矣多載百宋一厚賦中即今散逸  
特盡而至精極妙者方有一二種歷任名家歲年世罕其  
匹也猶憶孟東野集為蔣宿唱同年所贈亦得自送考全  
陵時拾雜收其為安農村歲則同村農村者貴家門客專  
識肯董渠手得必銘斯印孟集而外止此二集因想當時非特  
歲書之家歸於今日即識書之人復於我輩首回內客而

此今日之客而法問物之形出異知為真字林手抄  
賈宗叔也吾恐之入与若皆在如而較者尚有一二冷眼人耽讀  
對市無息得之不致湮沒耳宿唱之得孟集在甲寅年  
今余之得二李集在癸未年事馮三朝時為一也何遠相  
對之卷成一所奇問也邪前致書於想雲之自後致書  
於屏山之尾互為照依他斷不可分而二之美上已流之日玉  
李集卷之七前氏之亦愛盧 此致在十卷前副集

李羣玉詩集卷中

今體七言

長沙春望寄涪陽故人

清明別後雨晴時極浦空顰一望眉湖畔春山  
煙點點雲中遠樹黑離離依微水戍聞疎鼓掩  
映江村見酒旗風暖草長愁自醉行吟無處寄  
相思

金塘路中

山川楚越復吳秦蓬梗何年是住身黃葉黃花  
古城路秋風秋雨別家人冰霜怯度商於一作凍村

桂玉愁居帝里貧十口繫心拋不得每回回首  
即長顰

自遣

翻覆升沈百歲中前途一半已成空浮生暫寄  
夢中夢世事如聞風裏風脩竹萬竿資闕寂古  
書千卷要窮通一壺濁酒暄和景誰謂陶然失  
馬翁

送于少監自廣州還紫邏

鳴高山水似麻源謝監東還憶故園海嶠煙霞  
輕逸翰洛川花木待回軒宦情薄去詩千首世

事閑來酒一樽明日書中見顏范如應通籍入  
金門

石門韋明府爲致東陽潭石鯽鱠

錦鱗<sup>新</sup>出清漣暖日江亭動膾筵疊雪亂飛  
消箸底散絲繁灑拂刀前太湖浪說朱衣鮒漢  
浦休誇縮項鱸俊味品流知第一更勞霜橘助  
芳鮮

規公業在淨名得其深義僕近獲顧長

康月宮真影對戴安道所畫文殊走  
筆此篇以屈瞻禮

五濁之世塵冥冥達觀栖心於此經但用須彌  
藏芥子安知牛跡笑東溟生公吐辯真無敵顧  
氏傳神實有靈今日淨開方丈室一飛白足到  
茅亭

玉真觀

高情帝女慕乘鸞紺髮初簪玉葉冠公主玉葉冠時人莫計其價珍貴無  
此秋月無雲生碧落素蕖含露出清瀾層城煙  
霧將歸遠浮世塵埃久住難一自簫聲飛去後  
洞庭深掩碧瑤壇

辱綿州于中丞書信

一緘垂露到雲林中有孫陽念驥心萬木自凋  
山不動百川皆旱海長深風標想見瑤臺鶴詩  
韻如聞綠水琴他日縱陪池上酌已應難到暝  
猿吟渴疾漸加酒戶日減

送崔使君蕭山禱雨甘澤遽降

謝公一拜敬亭祠五馬旋歸下散絲不假土龍  
呈天矯自然石燕起參差預聽禾稼如雲語應  
有空濛似霧詩已向爲霖報消息潁川徵詔是  
前期

重經巴丘

開成初陪故員外從翁詩酒遊泛

昔年高接李膺歡日泛仙舟醉碧瀾詩句亂隨  
青草落酒腸俱逐洞庭寬浮生聚散雲相似往  
事微冥夢一般今日片帆城下去秋風回首淚  
闌干

湘陰江亭却寄友人

湘岸初晴淑景遲風光正是客愁時幽花夜落  
騷人浦芳草春深帝子祠往事隔年如過夢舊  
遊回首滿追思煙波自此扁舟去小酌聯文杳  
未期

哭郴州王使君

銀章朱紱照雲驄六換魚書惠化崇瑤樹忽傾  
蒼柏下醉鄉翻在夜臺中東山妓逐飛花散北  
海樽隨逝水空曾是綺羅筵上客一來長慟向  
春風

九日巴丘楊公臺宴集

淒淒霜日上高臺水國秋深客思哀萬疊銀山  
寒浪起一作去一行斜字蚤鴻來誰家搗練孤城暮  
何處題衣遠信回江漢路長身不定菊花三笑  
旅萍開

奉和張舍人送秦練師歸岑公山

仙翁歸臥翠微岑一葉西風月峽深松徑一作澗定知  
芳草合玉書應念素塵侵閑雲不繫東西影野  
鶴寧傷去住心蘭浦蒼蒼春欲暮落花流水思

離襟一作琴

送陶少府赴選

陶君官興本瀟疎長傍青山碧水居久向三茅  
窮藝術仍傳五柳舊琴書跡同飛鳥栖高樹心  
似閑雲在太虛自是葛洪求藥價不關梅福戀  
簪裾

寄張祐祐亦未面頻寄聲相聞

越水吳山任興行五湖雲月掛高情不遊都邑  
稱平子只向江東作步兵昔歲芳聲到童稚老  
來佳句徧公卿知君氣力波瀾地留取陰何沈  
范名

寄長沙許侍御

三年文會許追隨和徧南朝一作江南雜體詩未一作起  
綵毫還郭璞乞留殘錦與丘遲竹齋琴酒懽成  
夢水寺煙霞賞對誰今日秋風滿湘浦祇應搔  
首詠瓊枝

望月懷友

浮雲捲盡看腫臃直出滄溟上碧空盈手水光  
寒不濕流天素彩淨無風酒花蕩漾金樽裏棹  
影飄飄玉浪中川路正長難可越美人千里思  
何窮

和吳中丞悼笙妓

麗質仙姿煙逐風鳳凰聲斷吹臺空多情草色  
怨還綠無主杏花春自紅墮珥尚存芳樹下餘  
香漸減一作滅玉堂中惟應去抱雲和管從此長歸  
阿姥宮

薛侍御處乞靴

越客南來誇桂麀良工用意巧縫成看時共說  
茱萸皺着處嫌無鸚鳥鸚鳥鳴百里奚身悲甚似五  
羊皮價敢全輕日於文苑陪高步贏得芳塵接  
武名

九子坡聞鷓鴣

落照蒼茫秋草明鷓鴣啼處遠人行正穿屈曲  
崎嶇路更聽鈎輶格磔聲曾泊桂江深岸雨亦  
於海嶺阻歸程此時爲爾腸千斷乞放今宵白  
髮生

涼公從叔春祭廣利王廟

龍驤伐鼓下長川直濟雲濤古廟前海客斂威  
驚火旆天吳收浪避樓船陰靈迴作南溟主祀  
典高齊五嶽眉從此華夷封域靜潛薰玉燭奉  
堯年

長沙紫極宮雨夜愁坐

獨坐高齋寒擁衾洞宮臺殿窅沈沈春燈含思  
靜相伴夜雨滴愁更向深窮達未知他日事是  
非皆到此時心羈棲摧翦平生志抱膝時爲梁  
甫吟

盧逸人隱居

棋局茅亭幽澗濱竹寒江靜遠無人村梅尚斂  
風前笑沙草初偷雪後春鵬鷃喻中消日月滄  
浪歌裏放心神平生自有煙霞志久欲拋身狎  
隱淪

江樓懷關中親故

搖落江天欲盡秋遠鴻高送一行愁音書寂絕  
秦雲外身世蹉跎楚水頭年貌暗隨黃葉去時  
情深付碧波流風淒日冷江湖晚駐目寒空獨  
倚樓

請告南歸留別同館

中元作



一點燈前獨坐身西風初動帝城砧不勝庾信  
鄉關思遂作陶潛歸去吟書閣乍離情黯黯彤  
庭回望沈沈應一別瀛洲侶萬里單飛雲  
外深

寄友二首

野水晴山雪後時獨行村路更相思無因一向  
溪橋醉處處寒梅映酒旗

花落輕寒酒熟遲醉眠不及落花期愁人相憶  
春山暮煙樹蒼蒼播穀時

桃源

我到瞿真上昇處山川四望使人愁紫雲白鶴  
去不返惟有桃源溪水流

題王侍御宅

門外滄江碧岫開地多鷗鷺少塵埃綠陰十里  
漲一作難聲裏閑即王家看竹來

聞湘南從叔朝覲

長沙地窄卻回時舟楫駸駸向鳳池爲報湘川  
神女道莫教雲雨濕旌旗

漢陽太白樓

江上晴樓翠靄閒滿簾春水滿窻山青楓綠草

將愁去遠入吳雲暝不還

送客

沅水羅文海燕回柳條牽恨到荆臺定知行路  
春愁裏故郢城邊見落梅

澧陵路中

別酒離亭十里強半醒半醉引愁長無人寂寂  
春山路雪打溪梅狼籍香

校書叔遺暑服

翠芸箱裏疊羅襟楚葛湘紗淨似空便看清江  
明月夜輕涼與掛一作致一身風

贈魏三十七

名珪字玉淨無瑕美譽芳聲有數車莫放焰光  
高二丈來年燒殺杏園花

酬崔表仁

昨日朱門一見君忽驚野鶴在雞羣不應長啄  
潢汙水蚤晚歸飛碧落雲

旅遊番禺獻涼公

帝鄉羣侶杳難尋獨立滄洲歲暮心野鶴飛棲  
無遠近稻梁多處是恩深

長沙元門寺張瓌負外壁畫

片石長松倚素楹  
倏然雲壑見高情  
世人只愛凡花鳥  
無處不知梁廣名

出春明門

時請告歸

本不將心掛名利  
亦無情意在樊籠  
鹿裘藜杖且歸去  
富貴榮華春夢中

李羣玉詩集卷中

李羣玉詩集卷下

今體五言

新荷

田田八九葉散點綠池  
初嫩碧纔平水圓陰已  
蔽魚浮萍遮不合弱荇繞  
猶踈半在春波底芳心卷  
未舒

初月二首

灩灩流光淺娟娟泛露輕  
雲間龍爪落簾上玉鈎明  
桂樹枝猶小仙人影未成  
欲爲千里別倚幌獨含情

凝顰立戶前細細向娟娟破鏡徒相問刀頭恐  
隔年輕輕搖遠水脉脉下春煙別後江上隨  
人何處圓

石緒

古岸陶爲器高林盡一焚  
火焰紅湘浦口煙濁洞  
庭雲迴野煤飛亂遙空爆響聞  
地形穿鑿勢恐到祝融墳

雲安

灘惡黃牛吼城孤白帝秋水寒  
巴字急歌迴竹枝愁樹倚荆王館  
雲昏蜀客舟瑤姬不可見行

雨在高丘

石頭城

霸業隨流水寒蕪上古城  
長空橫海色斷岸落潮聲  
八極悲一作皆扶拄五湖來止傾一作吾家東南天  
子氣掃地入函京

湖闊

楚色籠青草秋風洗洞庭  
夕霏生水寺初月盡雲汀  
櫂響來空闊漁歌發杳冥  
欲浮闌下艇一到斗牛星

失鶴

瑶臺煙霧外一去不回心  
青海蓬壺遠秋風碧  
落深隴翎留片雪雅操入孤琴  
豈是籠中物雲  
蘿莫更尋

臘夜雪霽月彩交光開閣臨軒竟睡不  
得命僕吹笙數曲獨引一壺奉寄江  
陵副使杜中丞

月華臨霽雪皓彩射貂裘桂酒寒無醉銀笙凍  
不流懷  
梁苑客思作剡溪遊竟夕吟瓊樹川  
途限阻脩

長沙陪裴大夫登北樓

巖嶂隨高步琴樽奉勝遊金風吹綠簟湘水入  
珠樓朗抱雲開月高情鶴見秋登臨多暇日非  
爲賦消憂

登蒲澗寺後二巖三首

五仙騎五羊何代降茲鄉澗有堯年韭山餘禹  
日糧樓臺籠海色草樹發天香浩笑波光裏浮  
溟興甚長

行盡崎嶇路驚從汗漫遊青天豁眼快碧海醒  
心秋便欲尋河漢因之犯斗牛九霄身自致何  
必遇浮丘

一作揚帆掛飛  
鳥一濟日邊舟

南冥吞越絕極望碧濛鴻龍度潮聲裏雷喧雨  
氣中趙佗丘壠滅馬援鼓輦空遐想魚鵬化開  
襟九萬風

蚤鴻

木落波浪動南飛聞夜鴻參差天漢霧嘹唳月  
明風野水蓮莖折寒泥稻穗空無令一行侶相  
失五湖中

旅泊

搖落江天裏飄零倚客舟短篇纔遣悶小釀不  
供愁沙雨潮痕細林風月影稠書空閑度日深

擁破貂裘

半醉

處俗長如病看花亦似秋若無時復酒寧遣鎮  
長愁漸覺身非我都迷蝶與周何煩五色藥樽  
下即浮丘

晝寢

筠桂晚蕭疎任人嘲宰予鳥驚林下夢風展枕  
前書正作莊生蝶誰知惠子魚人間無樂事直  
擬到華胥

晚蓮

露冷芳意盡稀疎空碧荷殘香隨暮雨枯葢墮  
寒波楚客罷竒服吳姬停櫂歌涉江無可寄幽  
恨竟如何

將之番禺留別湖南府幕

本乏煙霄志那隨鴛鴦遊一枝仍未定數粒欲  
何求溟漲道途遠荆吳雲雪愁會登梅嶺翠南  
耑入炎州一作暮雪

宵民

大雅無憂怨宵民有愛憎魯侯天不遇臧氏爾  
何能慘慘心如虺營營舌似蠅誰於銷骨地一

鑒玉壺冰

吾道

吾道成微哂時情付絕言鳳兮哀已盡犬也吠  
何繁輕重憂衡曲妍蚩慮鏡昏方欣耳目淨誰  
到翟公門

與濮陽夏侯吳三山人夜話

靜談雲壑趣高會兩三賢酒思彈琴夜芳茶向  
火天兔裘堆膝暖鳩杖倚床偏各厭池籠窄相  
看意浩然

春寒

撥火垂簾夕將暄向冷天悶斟壺酒暖愁聽雨  
聲眠處世心倏爾干時事索然春光看已半明  
日又藏煙

廣江驛餞筵留別

別筵欲盡秋一醉海西樓夜雨寒潮水孤燈萬  
里舟酒飛鸚鵡重歌送鷓鴣愁惆悵三年客難  
期此處遊

桑落州

九江寒露夕微浪北風生浦嶼漁人火蒹葭鳧  
鴈聲頽雲晦廬岳微鼓辨湓城遠憶天邊弟曾

從此路行

杜門

且詠閑居賦飛翔去未能春風花嶼酒秋雨竹  
溪燈世路夔陵谷時情驗友朋達生書一卷名  
利付春冰

池州封負外郡齋雙鶴丹頂霜翎仙態

浮曠罷政之日因呈此章

瀟洒二白鶴對之高興清寒溪侶雲水朱閣伴  
琴笙顧慕稻梁惠超遙江海情應攜帝鄉去仙  
闕看飛鳴



經費拾遺所居呈封負外

雲臥竟不起少微空隕光唯應孔北海爲立鄭  
公鄉舊館苔蘚合幽齋松菊荒空餘書帶草日  
日上堦長

送秦鍊師

紫府靜沈沈松軒思別琴水流寧有意雲泛本  
無心錦洞桃花遠青山竹葉深不因時賣藥何  
路更相尋

湘陰縣送遷客北歸

不須留惹故重遣世人疑瘴染面如藥愁薰頭

似絲黃梅住雨外青草過湖時今日開湯網冥  
飛亦未遲

九日陪崔大夫宴清河亭

玉醴浮金菊雲亭敞玳筵晴山低畫浦斜鴈遠  
書天謝眺離都日殷公出守年不知瑤水讌誰

一作和製白雲篇

近見去年聖製黃菊聯句

送房處士閑遊

採藥陶貞白尋山許遠遊刀圭藏妙用巖洞契  
冥搜花月三江水琴樽一葉舟羨君隨野鶴長  
揖稻梁愁

贈花

酒為看花醞花須趁酒紅莫令芳樹晚使我綠樽空金谷園無主桃源路不通縱非乘露折長短盡隨風

洞庭風雨二首

面南一片黑俄起北風顛浪潑巴陵樹雷燒鹿角田魚龍方簸蕩雲雨正喧闐想赭君山日秦

皇怒赫然

鹿角田在青草北

巨浸吞沅澧西風忽怒號水將天共黑雲與浪爭高羽化思乘鯉山漂長林鼇陽烏猶曝翅直

恐濕蟠桃

臨水薔薇

堪恨復堪傷無情不久長浪搖千臉笑風舞一叢芳似濯文君錦如窺漢女粧所思雲雨外何處寄馨香

中秋維舟君山看月

汗漫鋪澄碧朦朧吐玉盤雨師清滓穢風后掃波瀾氣射繁星滅光籠八表寒來從雲漲迴路上碧霄寬熠燿遊何處蟾蜍食漸殘棹翻銀浪急林映白虹攢練彩連河曉冰輝壓樹乾夜深

高不動天下仰頭看

桂州經佳人故居二首

種樹人何在  
扳枝空歎嗟  
人無重見日  
樹有每年花  
滿院雀聲暮  
半庭春景斜  
東風不知恨  
徧地落餘霞

桂水依舊綠  
佳人今不還  
祇應隨暮雨  
飛過九疑山

池塘晚影

風荷珠露傾  
驚起睡鷓鴣  
月落池塘靜  
金刀剪一聲

青鷁

獨立蒹葭雨  
低飛浦嶼風  
須知毛色下  
莫入鷺鷥叢

傷小女凝兒

哭爾春日短  
支頤長歎嗟  
不如半死樹  
猶吐半邊花

客愁二首

客愁看柳色  
日日逐春深  
浩蕩春風起  
誰知歷亂心

客愁看柳色  
日日逐春長  
憑送湘流水  
綿綿入

帝鄉

放魚

蚤覓爲龍去江湖莫漫遊須知香餌下觸口是  
銛鈞

嘲賣藥翁

斲盡春山土辛勤賣藥翁莫拋破笠子留作敗  
天公

蓮葉

根是泥中玉心承露下珠在君塘上種埋沒任  
春蒲

洞庭乾二首

借問蓬萊水誰逢清淺年傷心雲夢澤歲歲作  
桑田

朱宮紫貝闕一旦作沙洲八月還平在魚鰕不  
用愁

李羣玉詩集卷下

鼠愁

未宮禁貝闕一旦卦少勝八月墨平奪魚難不  
桑田

昔問葦萊水精盜青交平劫以雲夢翠焯焯非

同真諫二首

李羣玉詩後集卷第一

仙明洲口號

長愛沙洲水竹居暮江春樹綠陰初浪翻新月  
金波淺風損輕雲玉葉踈半浦夜歌聞盪槳一  
星幽火照义魚二年此處尋佳句景物常輸楚  
客書

送蕭十二校書赴郢州婚姻

蓬山才子即蕭郎綵服青春卜鳳凰玉佩定催  
紅粉色錦衾應惹翠芸香馬穿暮雨荆山遠人  
宿寒燈郢夢長領取和鳴好風景

古樂府有鳳兮歸故鄉

石城

花月送歸鄉

送隱者歸羅浮

春天杳杳日遲遲  
路入雲峯白犬隨  
兩卷素書留貫酒  
一村樵斧坐看棋  
蓬萊道士飛霞履  
清遠仙人寄好詩  
自此塵寰音信斷  
山川風月永相思

獻王中丞

時有特拜

登仙望絕李膺舟  
從此青蠅點遂稠  
半夜憤吹牛斗動  
二年門掩雀羅愁  
張儀會展平生舌  
韓信那慚跨下羞  
他日圖勲畫麟閣  
定呈肝膽始

應休

贈元復

緩

相逢在總角與子即同心  
隱石那知玉披沙  
喜遇金蘭秋香不死松  
晚翠方深各保芳  
堅性寧憂霜霰侵

中秋廣江驛示韋益

莫惜三更坐難消  
萬里情同看一片  
月俱在廣州城  
淚逐金波滿  
魂隨夜鵲驚  
支頤鄉思斷  
無語到雞鳴

九日越臺

此日高山上秋天大海隅黃花羅帳粉絳實簇  
茱萸病久歡情薄鄉遙客思孤無心同落帽天  
際望歸塗

中秋越臺看月

海雨洗煙埃月從空碧來水光籠草樹練影掛  
樓臺結曜迷鯨目晶熒失蚌胎宵分凭檻望應  
合見蓬萊

長沙開元寺昔與故長林許侍御題松

石聯句

牆陰數行字懷舊慘傷情薜荔侵年月莓苔厭

姓名逝川前後水浮世短長生獨立秋風暮凝  
嘖隔郢城

傷友

玉棺來九天鳧舄掩窮泉蕪沒池塘興淒涼翰  
墨筵短期存大夢舊好委浮煙我有幽蘭曲因  
君遂絕絃

法性寺六祖戒壇

初地無階級餘基如志數亦低天香開茉莉梵樹落  
菩提警俗生真性青蓮出淤泥何人得心法衣  
鉢在曹溪

東湖二首

晚景微雨歇逍遙湖上亭波閑魚弄餌樹靜鳥  
遺翎性野難依俗詩玄自入冥何由遂瀟洒高  
枕對雲汀

雨氣消殘暑蒼蒼月欲升林間風捲簾欄下水  
搖燈迴野垂銀  
層巒掛玉繩重期浮小楫來  
摘半湖菱

三月五日陪裴大夫泛長沙東湖

或作張  
又新

上巳餘風景芳辰集遠坳綵舟浮浩蕩綉轂下  
娉婷林榭回葱蒨笙歌轉杳冥湖光迷翡翠草

色醉蜻蜓鳥弄桐花日魚翻穀雨萍從今留勝  
會誰看畫蘭亭

龜

靜養千年壽重泉自隱居不應隨跛鱉寧肯滯  
凡魚靈腹唯玄露芳巢止翠渠陽光輸蚌蛤奔  
月恨蟾蜍曳尾辭泥後支牀得水初冠山期不  
小鑄印事寧虛有志酬毛寶無心畏豫且他時  
清洛汭會薦帝堯書

湖閣曉晴寄呈從翁二首

嶺日開寒霧湖光蕩霽華風鳥搖柳水蝶戀



幽花蜀國地西極吳門天一涯輕舟欄下去點  
點入湘霞

高秋憑遠檻萬里看新晴重霧披天急  
雲觸石輕湖山四五點湘鴈兩三聲遙想潘園裏琴  
尊興轉清

飯僧

好讀天竺書爲尋無生理焚香面金偈一室唯  
巾水所交信方外三三空門子峻範照秋霜高  
標掩僧史清晨潔蔬茗延請良有以一落喧競  
塗栖心願依止奔曦入半百冉冉頽濛汜雲泛

名利心風經是非齒尚爲情愛縛未盡金仙旨  
以靜制猿心將虞瞥然起綸巾與藜杖此意直  
已矣他日雲壑間來尋  
居士

哭小女凝兒

平生未有夢能罷稚女如花墮曉枝條蔓縱橫  
輸葛藟子孫蕃育羨螽斯方同玉衍鍾情切猶  
念商瞿有慶遲負爾五年恩愛淚眼中唯有涸  
泉知

李羣玉詩後集卷第一

李羣玉詩後集卷第二

贈回雪

回雪舞縈盈縈盈若回雪腰支一把玉祇恐風  
吹折如能買一笑滿斗量明月安得金蓮花步  
步承羅襪

將之京國贈薛負外

黃葉下空館寂寥寒雨愁平居歲華晏絡緯啼  
林幽節物凋壯心咄嗟不能休空懷趙鞅歡變  
化良無由所思杳何如側身望皇州蒼煙晦楚  
野寒浪埋昭丘趙壹賦命薄陳思多世憂翻然

羨魚鳥暢矣山川遊薛公龍泉姿其氣在斗牛  
南冠秀髮白石勞悲謳圭衮照崇闕文儒嗣  
箕裘曠然方寸地霽海浮雲舟澧浦一遺佩郢  
南再悲秋叫閹路既阻浩蕩懷靈脩莫奏武溪  
笛且登仲宣樓亨通與否閉物理相沈浮天子  
坐宣室夔龍奉謀猷行當賜環去豈作遺賢羞

送魏珪覲

木落楚色深風高浪花白送君飛一葉鳥逝入  
空碧倚歟白華秀傷心倚門夕不知雲漲遙萬  
里看咫尺蕭蕭青楓岸去掩江上宅離觴有黃

花節物照淒戚瀟湘入濡桂一路縈水石煙蘿  
拂行舟玉瀨鏘枕席多君林泉趣耽翫日成癖  
長嘯凌清暉襟情當雪滌登龍屈指內飛譽甚  
籍籍未折月中枝寧隨宋都鷁日餘吞聲地舉  
足傷瓦礫見爾一開顏溫明乃珠璧春風到雲  
嶠把酒時相憶荳蔻花入船鷓鴣啼送客颺天  
與瘴海此去備汭歷珍重春官英加餐數刀帛

始忝四座奏狀聞薦蒙恩授官旋進歌

詩延英宣賜言懷紀事呈同館諸公

子十四韻

兩鬢有二毛光陰流浪中形骸同土木志氣隨  
雲風冥默楚江畔蕭條林巷空幽鳥事翔翥斂  
翼依蒿蓬一飯五放筯愀然念途窮孟門在步  
武所向何由通徵諸大易言物否不可終庶期  
白雪調一奏驚凡聾昨忝丞相召揚鞭指冥鴻  
姓名掛丹詔文句飛天聰解薜龍鳳署懷鈔蘭  
桂叢聲名仰聞見煙漢陪高蹤峨峨羣玉山肅  
肅紫殿東神飈泛鐘漏佳氣浮筠松自顧珉珉  
璞何緣侶珪琮羣賢垂重價省己增磨礪天子  
棲穆清三台付夔龍九霄降雨露萬國望時雍

巍巍致君期勛華將比崇承天四柱石巖若窺  
衡嵩日見帝道昇謀猷書景鐘寰瀛納壽域翔  
泳皆  
百神儼儼亭佇將告成功吾徒事文  
藻驥首歌登封

同張明府遊樓水亭

草色綠溪晚梅香生穀文雲天斂餘霽水木籠  
微曛垂釣坐芳嶼幽禽時一聞何當五柳下酌  
醴吟庭筠

引水行

一條寒玉走秋泉引出深蘿洞口煙十里暗流

文山後集  
聲不斷行人頭上過潺湲

穆天子

穆滿恣逸志而輕天下君一朝得八駿逐日西  
溟瀆寥寂崦嵫幽絕跡留空文三千閉宮艷怨  
絕寧勝云或言帝軒轅垂龍凌紫氛橋山葬弓  
劍冥昧竟難分不思五絃琴作歌詠南薰但聽  
西王母瑤池吟白雲

七月十五夜看月

朦朧南溟月洶湧出雲濤下射長鯨眼遙分玉  
兔毫勢來星斗動路起青冥高竟夕瞻光彩昂

頭把白醪

廣州重別方處士之封川久約同遊羅  
浮期素秋而行二首

楚國傲名客九州徧芳馨白衣謝簪紱雲卧重  
巖局長波飛素舸五月下南溟大笑相逢日天  
邊作酒星

其二

十年一雲雨常恨輝容隔天末又分襟離憂鬢

其二

堪白願回陵潮楫且著登山屐共期羅浮秋與  
子醉海色

南臺初晴望寄韋秀才

荆臺蘭渚客寥落共含情空館相思夜孤燈照  
雨聲

北風

病髮乾垂枕臨風強起梳蝶飛魂尚弱蚊張鬪體  
猶虛瘦骨呻吟後羸容几杖初庭幽行樂靜涼  
景翠筠踈

李羣玉詩後集卷第二

此行距詩後一行

李羣玉詩後集卷第三

醉後贈馮姬

黃昏歌舞促瓊筵銀燭臺西見小蓮二寸橫波  
回漫水慢一雙纖手語香絃桂形淺拂梁家黛瓜  
字初分碧玉年願托襄王雲雨夢陽臺今夜降  
神仙

廣州陪涼公叔越臺宴集

一徑松梢路石梯步窮身在白雲西日銜赤浪  
金車沒天拂滄浪翠幙低高鳥散飛驚火旆長  
風萬里卷秋輦玉鈎掛海笙歌合珠履三千半

似齊

留別馬使君

俱來海上歎煙波君佩銀魚我觸羅蜀國才微  
甘放蕩專城年少豈蹉跎應憐旅夢千重思共  
愴離心一曲歌唯有管絃知客意分明吹出感  
恩多

洞庭遇秋

塵愁老朱顏久與江鄉隔逍遙登湖上洗眼見  
秋色涼波弄輕棹湘水生遠碧未減遙客情西  
望杳何極

游玉芝觀

尋仙向玉清獨倚雪初晴木落寒郊迴煙開疊  
嶂明片雲盤鶴影孤磬雜松聲且共探玄理歸  
途月未生

將欲南行陪崔八宴海榴亭

朝晏華堂春未休幾人偏得謝公留風傳鼓角  
霜侵戟雲卷笙歌月上樓賓館盡開徐孺榻客  
帆空戀李膺舟謾誇書劍無歸處水遠山長步  
步愁

移松竹

龍髯鳳尾亂颼颼帶霧停風一畝秋待取滿庭  
蒼翠合酒尊書案閉門休

湖寺清明夜遣興

柳暗花香愁不眠獨凭危檻思悽然野雲將雨  
度微月沙鳥帶聲飛遠天久向飢寒拋弟妹每  
因時節憶團圓錫餐冷酒明年在未定萍蓬何  
處邊

歎靈鷲寺山榴

水蝶巖蜂俱不知露凝紅艷數千枝山深春晚  
無人賞即是杜鵑催落時

中秋夜南樓寄友人

海月去白浪湖光射高樓朗吟無綠酒賤價買  
清秋氣冷魚龍寂輪高星漢幽他鄉此夜客對  
酌餞多愁

九日

年年羞見菊花開十度悲秋上楚臺半嶺殘陽  
銜樹落一行斜鴈向人來行雲永絕襄王夢野  
水偏傷宋玉才絲管闌珊歸客盡黃昏獨自詠  
詩回

同鄭相并歌姬小飲戲贈



裙拖六幅湘江水鬢聳巫山一段雲風格只應  
天上有歌聲豈合世間聞曾前瑞雪燈斜照眼  
底桃花酒半醺不是相如憐賦客爭教容易見  
文君

秣陵懷古

野花黃葉舊吳宮六代豪華燭散風龍虎勢衰  
佳氣歇鳳凰鳴在故臺空市朝遷變秋蕪綠墳  
塚高低落照紅霸業鼎圖人去盡獨來惆悵水  
雲中

人日梅花病中作

去年今日湘西寺獨把寒梅愁斷腸今年此日  
江邊宅卧見瓊枝低壓牆半開半落臨野岸團  
情團思醉韶光玉鱗寂寂飛斜月素艷亭亭對  
夕陽已被兒童苦扳折更遭風雪損馨香洛陽  
桃李漸撩亂回首行宮春景長

黃陵廟二首

小孤洲北浦雲邊二女容華自儼然野廟向江  
春寂寂古碑無字草芊芊回風日暮吹芳芷落  
月山深哭杜鵑猶似含顰望巡狩九疑愁絕隔  
湘川

黃陵廟前莎草春黃陵女兒茜裙新輕舟短棹  
唱歌去水遠山長愁殺人

北亭

斜雨飛絲織曉空疎簾半捲野亭風荷花香盡  
秋光晚零落殘紅綠沼中

送客往涪陽

春興與春愁逐日長遠人天畔遠思鄉蘋生水綠  
不歸去孤負東溪七里莊

李羣玉詩後集卷第三

李羣玉詩後集卷第四

寄友人鹿胎冠子

數點疎星紫錦斑仙家新樣翦三山宜與謝公  
松下戴淨簪雲髮翠微間

江南

鱗鱗別浦起微波泛泛輕舟桃葉歌斜雪北風  
何處宿江南一路酒旗多

荅友寄新茗

滿火芳馨碾麴塵吳甌湘水綠花新媿君千里  
分滋味寄與春風酒渴人

峽山寺上方

滿院泉聲山殿涼  
殿簾微雨野松香  
東峯下視南溟月  
笑踏金波看海光

秋登涪陽城二首

萬戶砧聲水國秋  
涼風吹動故鄉愁  
行人望遠偏傷思  
白浪青楓滿北樓

穿針樓上閉秋煙  
織女佳期又隔年  
斜漢倚深吹不落  
一條銀浪掛秋天

釣魚

七尺青竿一丈絲  
菰蔣葉裏逐風吹  
幾回舉手

拋芳餌驚起沙灘水鴨兒

酬魏三十七

靜裏寒香觸思初  
開緘忽見二瓊琚  
一吟麗句

風流極沒得洪文李校書

裏作裏

贈琵琶

我見鴛鴦飛水上  
君還望月苦相思  
一雙裙帶同心結  
蚤寄黃鸝孤鴈兒

落帆後賦得二絕

平湖茫茫春日落  
危檣獨映沙洲泊  
上岸閑尋細草行  
古查飛起黃金鸚

水浮秋煙沙曉雪皎潔無風影澄徹海客雲帆  
未掛時相與綠江拾明月

贈妓人

誰家少女字千金省向人間觸處尋今日分明  
花裏見一雙紅臉動人心

贈人

曾留宋玉舊衣裳惹得巫山夢裏香雲雨無情  
難管領任他別嫁楚襄王

石榴

洞中春氣蒙籠喧尚有紅英千樹繁可憐夾水

錦步障羞殺石家金谷園

鷓鴣

錦羽相呼慕沙曲波上雙聲戛哀玉霞明川靜  
極望中一時飛滅青山綠

沅江漁者

倚棹汀洲沙日晚江鮮野菜桃花飯長歌一曲  
煙靄深歸去滄浪綠波遠

題金山寺石堂

白波四面照樓臺日夜潮聲遶寺回千葉紅蓮  
高會處幾曾龍女獻珠來

戲贈魏十四

蘭浦秋來煙雨深幾多情思在琴心知君調得  
東家子蚤晚和鳴入錦衾

和人贈別

嘖黛低紅別怨多深停勞恨滿橫波聲中唱出  
纏綿意淚落燈前一曲歌

宿巫山廟二首

寂寞高堂別楚君玉人天上逐行雲停舟十二  
峯巒下幽佩仙香半夜聞

廟閉春山曉月光波聲回合樹蒼蒼自從一別

襄王夢雲雨空飛巫峽長

傷柘枝

曾見雙鸞舞鏡中聯飛接影對春風今來獨在  
花筵上月滿秋天一半空

題櫻桃

春初攜酒此花間幾度臨風倒玉山今日葉聲  
黃滿樹再來惆悵不能扳

惱從兄

芳草淒淒新燕飛芷河南望鴈書稀武陵洞裏  
尋春客已被桃花迷不歸

紫極宮齋後

紫府空歌碧落寒  
曉星寥亮月光殘  
一羣白鶴高飛散  
唯有松風吹石壇

春曉

思鄉之客空凝噎  
天邊欲盡未盡春  
獨扳江樹深不語  
芳草落花愁殺人

喜渾吉見過

公子春衫樹水香  
遠衝飛雪過書堂  
貧家冷落難消日  
唯有松筠滿院涼

索曲送酒

簾外春風正落梅  
須求狂藥解愁回  
煩君玉指輕攏撚  
慢撥鴛鴦送一杯

山驛梅花

坐在幽崖獨無主  
溪蘿澗鳥爲儔侶  
行人陌上不留情  
愁香空謝深山雨

重陽日上渚宮楊尚書

落帽臺邊菊半黃  
行人惆悵笑重陽  
荊州一見桓宣武  
爲趁悲秋入帝鄉

書院二小松

一雙幽色出凡塵  
數粒秋煙二尺鱗  
從此靜窻

聞細韻琴聲長伴讀書人

勸人廬山讀書

憐君少雋利如鋒氣爽神清刻骨聰片玉若磨  
唯轉瑩莫辭雲水入廬峯

言懷

白鶴高飛不逐羣嵇康琴酒鮑昭文此身未有  
棲歸處天下人間一片雲

聞笛

冉冉生山草何異截而吹之動天地望鄉臺上  
望鄉時不獨落梅兼落淚

曉宴

金波西傾銀漢落綠樹含煙倚朱閣曉華朧葱  
聞調笙一點殘燈隔羅幙

將遊荊州投魏中丞

貧埋病壓老蟠虬拂拭菱花不喜看又恐無人  
肯青眼事須憑仗小還丹

二辛夷

狂吟亂舞雙白鶴霜翎玉羽紛紛落空庭向晚  
春雨微却斂寒香抱瑤萼

題龍潭西齋

寂寞幽齋暝煙起滿徑松風落松子遠公一去  
兜率宮唯有門前虎谿水

李羣玉詩後集卷第四

李羣玉詩後集卷第五

中秋寄南海侍御

海靜天高景氣殊鯨睛失彩蚌潛珠不知今夜  
越臺上望見瀛洲方丈無

戲贈姬人

骰子巡拋裏手拈無因得見玉纖纖但知謔道  
金釵落故向人前露指尖

大庾山嶺別友人

山字衍

篔簹無子鷓鴣飢毛彩凋摧不得歸誰念火雲  
千嶂裏低聲猶傍鷓鴣飛



石門戍

到此空思吳隱之潮痕草蔓上幽碑人來皆望  
珠璣去誰詠貪泉四句詩

文殊院避暑

赤日黃埃滿世間松聲入耳即心閑願尋五百  
仙人去一世清涼住雪山

南莊春晚二首

連雲草映一條陂鷓鴣雙雙帶水飛南村小路  
桃花落細雨斜風獨自歸  
草暖沙長望去舟微茫煙浪向巴丘沅湘寂寂

春歸盡水綠蘋香人自愁

懷初公

不見休上人空傷碧雲思何處閉寶書秋風海  
光寺

龍安寺佳人阿醉歌八首

團團明月面冉冉柳枝腰未入鴛鴦被心長似  
火燒

見面知何益聞名憶轉深拳擎荷葉子未得展  
蓮心

欲摘不得摘如看波上花若教親玉樹情願作

兼葭

門路穿茶焙房門映竹煙會須隨鹿女乞火到  
窻前

不是求心印都緣愛綠珠何須同泰寺然後始  
爲奴

既爲金界客任改淨人名願掃琉璃地燒香過  
一生

素腕撩金索輕紅約翠紗不如欄下水終日見  
桃花

第一龍宮女相憐是阿誰好魚輸獺盡白鷺鎮

長飢

病起別主人

益媿千金少情將一飯殊恨無泉客淚盡泣感  
恩珠

火爐前坐

孤燈照不寐風雨滿西林多少關心事書灰到  
夜深

古詞

一合相思淚臨江灑素秋碧波如會意却與向  
西流

投從叔

可惜出羣蹄毛焦久卧泥孫陽如不顧  
騏驥向誰嘶

惱自澄

常聞天女會玉指散天花莫遣春風裏紅芳點  
袞

讀賈誼傳

早濕長沙地空拋出世才已齊生死理鵬鳥莫  
為灾

寄人

寄語雙蓮子須知用意深莫嫌一點苦便擬棄

蓮心

荆臺蘭

春日寄友

晴氣熏櫻藥丰濛雪滿林請君三斗酒醉卧白  
羅岑

題竹

一頃含秋綠森風十萬竿氣吹朱夏轉聲掃碧  
霄寒

野鴨

鷓鴣借毛衣喧呼鷹隼稀雲披菱藻地任汝作

羣飛

空一行

李羣玉詩後集卷第五

空一行

臨安府棚北大街睦親坊南陳解元宅書齋補印

東山席氏悉依宋  
本物于贊川書齋

李羣玉詩集補遺

送唐侍御福建省兄

桂枝攀盡賈家才  
霄漢春風棣萼開  
世掌綸言傳大筆  
官分鴻序壓霜臺  
閩山翠卉迎飛旆  
越水清紋散落梅  
到日池塘春草綠  
謝公應夢惠連來

送秦鍊師歸岑公山

紫泥飛詔下金鑿  
列象分明世仰觀  
北省諫書藏舊草  
南宮郎署握新蘭  
春歸鳳詔恩波暖  
曉入鴛行瑞氣寒  
偏是此生栖息者  
滿衣零淚一

時乾

潯陽觀水

朝宗漢水接陽臺  
哈呀填坑吼作雷  
莫見九江平隱去  
還從三峽嶮巖來  
南經夢澤寬浮日  
西出岷山劣泛盃  
直至滄溟涵貯盡  
深沈不動浸昭回

湘妃廟

少將風月怨平湖  
見盡扶桑水到枯  
相約杏花壇上去  
畫欄紅紫闌樗蒲

長沙陪裴大夫夜讌

東山夜宴酒成河  
銀燭熒煌照綺羅  
四面雨聲籠笑語  
滿堂香氣泛笙歌  
冷冷玉漏初三滴  
灑灑金觴已半陀  
共向柏臺窺雅量  
澄陂萬頃見天和

謫仙吟贈趙道士

汗漫東遊黃鶴雛  
縉雲仙子住清都  
三元麟鳳推高座  
六甲風雷閔小壺  
日月暗資靈壽藥  
山河直擬一作常值化生符  
若爲失意居蓬島  
鰲足塵飛桑樹枯

黃陵廟

黃陵廟前春已空  
子規啼血滴松風  
不知精爽落何處  
疑是行雲秋色中

千巖東遊黃嶺巖  
雲山子卦青嶺三  
元觀風

臨山亭觀鼓笛士

天味

盤金滿勺半酒共  
向休臺窳報量登  
朝萬節良  
辭文請蘇堂香  
康安坐榻今令  
王滿味三商  
蠶  
東山外宴際  
瓜西難  
激變  
盛照  
燕羅  
四面  
雨蒼